



UKA 2017/123

19/10-2017

Randi Vestergaard Evaldsen

**Siunnersuut uunga: Inatsisartuni Naalakkersuisunilu il.il. ilaasortat aningaasarsiaqartitaanerat il.il. pillugit inatsisartut inatsisaata allangortinneqarneranik Inatsisartut inatsisaat nr. xx, uu. qqqq 2017-imeersoq (Ataatsimiinnernut atatillugu akiliunneqarlunui ilaqtanik ingiallorteqarsinnaneq, Inatsisartunut ilaasortanut Naalakkersuisunullu ilaasortanut soraarnerussutisiaqarnissamik aaqquussinerit)**  
(Inatsisartut siulittaasoqarfiat)  
(Siullermeerneqarnera)

Matumani Inatsisartut Siulittaasoqarfiata siunnersuutaani pineqarput siunertat pingaernerit marluk.

Siullermik siunnersuutikkut allangortinniarnearput Inatsisartunut ilaasortat soraarnerussutisiaqalernissaannut teknikkikkut malittarisassat. Allangguutit pineqartut allangortinniarnearput ilaatigut PFA Soraarnej 1. januaari 2018 matusussanngormat. Tamatuma saniatigut Inatsisartuni ilaasortat nammineq aalajangiiffigisinnaanngussavaat soraarnerussutisiaqalernissaminnut katersatik. Suliniutit taakku Demokraatini ilalerpagut.

Taamaakkaluartorli kissaatigaarput Inatsisartut Siulittaasoqarfiata isumaliutissiissumminni immikkoortut ataasiakkaat nassuiaateqarfigissagaat. Sunaana pissutaasoq ilaasortat 50 - sileereersimasut namminneq aalangersinnaassammassuk soraarnerussutisiaqalernissaminnut akiliissanerlutik akiliissannginnerlutilluunniit? Ilaasortat tamarmik taamaaliorsinnaappat imaluunniit ilaasortanut siullerpaamik qinigaasunut atuuppa? Suna pissutaava malittarisassap tamatumarpiap atuunneranut, uffalu inuiaqatigiit sinnerini atornerqarsinnaanngitsoq?

Aappassaatut Inatsisartut Siulittaasoqarfiata siunnersuutigaa Inatsisartunut ilaasortat Nuup avataani najugaqartut pisinnaatitaaffeqassasut ukiumut marloriarlutik Nuummut akiliunneqarlutik tikeraarsinnaanissaminnut.

Tassani Demokraatini isumaqarpugut maannakkut ukiumut ataasiarluni akiliunneqarluni tikeraarsinnaatitaanermut aaqquussineq ajoquteqanngilluinnartoq. Puigussanngilarpummi Inatsisartuni ilaasortat sineriammeersut akiliunneqarlutik ukiumut ataasiarlutik angerlarsinnaatitaammata, Ukiakkut ataatsimiinnerup unikkallarnerani oktoberip naanerani imaluunniit november aallartisimalarnerani Nunani Avannarlerni Siunnersuisoqatigiit ukiumoortumik ataatsimiittussanngornerat toraarlugu.

Tassa imaappoq ullumikkut Inatsisartunut ilaasortat sineriammeersut Inatsisartut Upernaakkut



Ukiakkullu ataatsimiinnerini ilaqtammik takunissaannut periarfissaqareerput. Taamaattumik siunnersuutip tassunga tunngasortaa tapersersorsinnaanngilarput.

Taamatut oqaaseqarluta siunnersuut ataatsimiititaliamut suliarisassanngorlugu innersuupparput.